



Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 59. Inter Papam & Imperatorem de pace agitur.

[urn:nbn:de:hbz:466:1-66406](#)

Sæcul. XIII. sine dispensatione inter sanguine propinquos fuisse contractum. Et Rex Jacobus quidem acquiescebat; sed tamen in Concilio exposuit, quod nobilissimam Principem in facie Ecclesiæ duxisset, credens matrimonium esse legitimum, & filium inde suscepisset, nomine Alphonsum, quem non modo successorem suum in Regno designasset, sed etiam ei a Vasallis juramentum Fidei præstari jussisset. Quare publice edixit, se Acta illa confirmare, & si opus esset, se filium suum auctoritate Regia legitimum efficer. Hæc confirmatio Actis Concilii inserta est; cumque, elapsis exinde aliquot annis, non nemo Natales Alfonsi Principis impugnaret, Gregorius Papa, Legati sui sententia confirmata, eum spectata parentum bona fide, filium legitimum declaravit.

§. LIX.

Inter Papam, & Imperatorem de Pace agitur.

Ric. S. Ger. **D**um Fridericus in Apulia commoratur, exercitum contrahens, ut Pontificis copias ingruentes repelleret, nihilominus ad eum Archiepiscopos Regiensem, & Bariensem, ac Magistrum Equitum Teutonicorum misit, qui de Pacis

Pacis conditionibus agerent. Ubi Ca- Sæcul.XIII.
tacum pervenerunt, urbem a Papæ mi- A. C. 1229.
litibus obsessam, acceptis ab Episcopo
Albanensi, & a Cardinale S. Praxedis li-
teris, Curiam Romanam petierunt; un-
de eis, re infecta, redeundum fuit. At-
tamen, mense Decembri, Imperatori,
Aquini versanti, Magister Equitum Teu-
tonicorum gratum nuncium de successu
Transactionis cum Papa attulit, tumque
Thomæ Capuano, Cardinali S. Sabinæ,
obvium se inferens, eum cum conscri-
ptis fœderis conditionibus ad Imperato-
rem deduxit.

p.1004.

Imperator vero complures Principes *Abb. Urs.*
ex Germania advocavit, arbitros causæ *in fin. Stero.*
inter se & Papam futuros, videlicet, Ber- *an. 1230.*
toldum Patriarcham Aquilejensem, E-
berhardum Archiepiscopum Salisbur-
gensem, Sigefridum Episcopum Ratis-
bonensem, Leopoldum Austriæ Ducem,
& Ducem Dalmatiæ & Istriæ. Plures
alii pacis conciliatores tam e Curia Ro-
mana, quam ex Italia advenerant. Sed
ea ante annum sequentem reduci non
potuit. Hic absolvitur Chronicum Con-
radi, Abbatis Urspergensis, Ordinis Præ-
monstratensis, in Diœcesi Augustana, an-
no millesimo ducentesimo decimo quin-
to, electi.

H h h 2 §. LX.